



03 JAN, 2025

THT buru treble

Harian Metro, Malaysia



PASUKAN Hoki Terengganu (THT) pada Majlis Pelancaran THT Liga Hoki Malaysia (MHL) 2025, semalam.

THT buru treble

Harfizi harap pasukan bangkit ubati kekecewaan tahun lalu

Oleh Malik Muhamad
sukan@hmetro.com.my

Kuala Terengganu

Sesudah terlepas tiga trofi pada saingan Liga Hoki Malaysia (MHL) musim lalu, Pasukan Hoki Terengganu (THT) idam memburu kejuaraan treble pada musim ini.

Ketua jurulatihnya, Mohd Harfizi Baharom berkata, kekecewaan pada edisi lalu membakar semangat pemainnya untuk kembali bangkit memburu kejuaraan pada musim ini.

Bagaimanapun jelasnya, kehadiran pasukan dari luar negara selain pasukan tempatan bakal memberikan kesukaran kepada

skuadnya untuk memburu trofi Piala Sumbangsih, Piala Liga MHL dan Piala TNB.

“Pada musim lalu skuad bimbingan saya terlepas semua kejuaraan, ianya begitu mengecewakan kami biarpun kejayaan berada dalam radar. Insya-Alah pada musim ini, kita akan cuba rampas semula tiga piala ke bumi Terengganu.

“Pada masa sama pemain bera- zam untuk bangkit da- ripada kekecewaan dan akan sedaya upaya ber- saing merangkul tiga ke- juaraan itu.

“Kehadiran ramai pe-

main berpengalaman yang pernah beraksi di pentas antarabangsa dan ditam- bah pemain muda berkua- liti bakal memperkasakan lagi pasukan pada kali ini.

“Begitu juga dengan ke- hadiran dua pemain im- port iaitu Lee Nam

Young dari Ko- rea Selatan dan penye- rang Afrika Selatan, Samkelo Mvimbi se- lain pemain tempatan,

Tengku Ahmad Tajuddin Tengku Abdul Jalil, Mohamad Sukri Mutalib serta pemain adik beradik, Faizal dan Fi- tri Saari.

“Namun saya sedar ianya tidak semudah peranca-

ngan di atas kertas kerana saingan pada kali ini di- jangka lebih sengit teru- tama kehadiran kelab dari Australia dan China, tidak dilupakan pasukan tempa- tan yang masing-masing sudah membuat persedi- aan yang rapi terutama de- ngan kehadiran pemain import,” katanya.

Beliau berkata demikian ketika ditemui selepas Ma- jlis Memperkenalkan Pe- main dan Jersi Baharu THT di Kuala Terengganu kelmarin yang disempur- nakan Pengerusi Jawatan- kuasa Pembangunan Belia Sukan dan Pertubuhan Bu- kan Kerajaan negeri, His- hamuddin Abdul Karim yang turut dihadiri Pre- siden Persatuan Hoki Te- rengganu (PHT), Mohd Fikri Harun.

“
Pada musim lalu
skuad bimbingan
saya terlepas
semua kejuaraan
Mohd Harfizi